

高

陽

集

高陽文集卷之十七

高陽孫承宗雅編著

門人馮洪業茂遠較

墓誌銘 傳 祭文

賜都察院左僉都御史贈右副都御史太

子少保浮丘左公墓誌銘

今皇帝御極、延黷逆、諸得舉、熹宗皇帝者、  
連次第優卹、以崇亮、諸臣、於是都察院左僉都  
御史左公光斗、贈都察院右副都御史、廕一子

太學生予塋祭祀鄉賢再贈太子少保予三代  
誥命因念熹宗皇帝以堯舜聖資適中人作  
述燒節內訌京貫外合希進渺志介者入爲衣  
采諸君子方乘泰用壯而璫類繁稱愛在廟社  
是時公爲左僉都御史與左副都御史楊公璉  
恟恟爲根本遠謀璉先疏璫忠賢二十四大罪  
旣上公復疏三十二斬將以十一月二日繼之  
而其下泐之遷者遂於十月三十日矯旨削  
奪去當兩君子倡議擊璫一時中外共擊之璫

已鋒愕待死而朝無嘉琦迺恣節甫遂至削奪  
諸君子如振落而鼓唇改面粹噓反復讀劇美  
之伎辭髮指舌喋喋媼相矣自非一聖神首出  
次第殲滅將安漢於慶言誰爲留唐業奄者迺  
知天篤聖神生公忠以拆逆鋒抑且疆其毒  
成此公忠遂留一綫綱常於世然則公之功豈  
徒一死明其大而登仕十八年凡所傾納正人  
以破沮壞說而藥牙卽爲蚤計總成一爲朝廷  
不顧身家之公忠嗟乎二公言而世醫二公死

而世喑然則公之言公之處竟何如當光皇  
帝登遐也康妃居乾清熹皇帝仍居慈慶蓋  
康妃固光皇帝所托拊東朝而登極命冊封  
貴妃於是中人有垂簾之語廷臣憂之公隨公  
疏爲疏曰內庭有乾清猶外庭有皇極惟皇  
上御天惟皇后配天得居之今大行皇帝  
賓天選侍旣非嫡母又非生母儼然居正宮而  
殿下廼居慈慶不得守几筵行大禮典制乖舛  
名分倒置卽先皇貴妃之請亦在彌留之際

其意可知且行於先皇則伉儷之名猶可行  
于殿下則尊卑之稱亦斷斷有不可者倘及  
今不蚤決將借撫養之名行專制之實將有  
不忍言者乞收回遺命速移別宮庶幾宮婦  
清而名分正於是康妃奉旨移仁壽  
皇帝還乾清而中人尚復譖沸公復疏曰皇  
上既當還宮則選侍自當移宮惟是移宮之後  
存太體捐小過此其特恩在聖衷調護在輔相  
疏與賈御史繼春及閣揭同日上蓋防微捐過

朝廷忠謀而猝命踉蹌則中人爲之初王奄安以正言標幟帝側自附正人魏奄忠賢乘間殺安而收其倚安者一璫死一璫披猖不獨袞類恣恣而非其類亦覺欣合其所按盡憂國公忠而稱詔誅翦數數至今上所譴戮又盡三案附忠賢者使諸君子盡如公不畏璫寧復有璫又使盡如倚公者之畏璫寧復有天下善乎高總憲論三案也寬與上嚴與下雅與公合可謂大臣矣公初削奪而南逆輔微喉璫劫裝以逮

端不聽已而策蹇就道裝篋寥寥則又私曰幸無搜既公得以初服歸拜堂下從母夫人移與馬費自分施矣苦無以對兩尊人微以椒山西市及滂母暗解兩尊人而諸逆璫謀逮益急徐大化劾楊左矯旨俟汪文言逮密及鎮撫司兩拷文言遂以文言連逮公是日一號殿災大風折屋樹先一月公弟光先不敢試莽官歸悉長安諸搆謀狀公自若適楊公璉來問震蔡原羅且曰勿恨公復曰死何恨但死不歸君父而先



時擇便我輩怕死矣日東裝候緹騎既緹騎至  
公省若惟私語弟曰父母老矣吾何以爲別已  
而曰爲忠臣不能爲孝子矣妻子環相泣不問  
勉其弟曰率諸兒讀勿以我戒而謂善不可爲  
比開讀晴空忽雨如注讀竟而止里人數百里  
奔集哀號諸壇廟大張榜檄爲憤激公曰速我  
死矣懇止之檻車行傾城數百里諸父老子弟  
遮擁馬首哭聲動天地已廼頂香禱北闕復拜  
緹騎卽緹騎涕泗莫能仰視又密約數百人伏

關上疏公以長年過慰之抵黃河迺返過德州  
迎諸懷感慨者越千里輒救皎皎泣道傍過河  
間司李某事公如平生止白溝則容城孫孝廉  
奇逢選貢奇彥來會公語曰自古皆有死惟椒  
山得其所瑞聞而憎之防更密下緹騎逮公者  
欲復矯旨捕親屬公弟光明以王蒞民語先避  
得免既下公詔獄遂以受金脫封疆罪臣及妾  
議移官受薦具詞謝上矯旨嚴追以五日奏又  
矯旨嚴追勿縱故每比倍爲嚴酷占酷吏阿比

爲茹無過者公唯呼天特密屬弟光先曰我苦  
勿令二親知及此無完膚猶從茶注中出絕命  
詞曰辱極汚極痛極死矣死矣如二親何血與  
淚漬慟不忍讀公弟明潛白溝傳舍張于度果  
中孫鍾元奇逢殆漢兩裴瑜焉而以鹿太翁爲  
寧宇鹿太翁者鹿太常善繼廼翁封公正也特  
上下忿患而思染逮不敢嚮還翁獨以魏邵之  
護弼也而醢金先以魏公子學持所醢百餘金  
往應比翁仍策馬星行郡縣其父老子弟各設

部分募應太翁而公已斃杖下矣公途中有衰  
髮孤孀之句又云欲託五戚詣閭恐驚宸慮  
轉傍皇其忠孝大義起念輒在君父當倉遽畧  
不作轉語予頗得之鳳陽黃生云公時年五十  
有一其夜長虹亘天里中星隕光灼灼大如斗  
三日出殘骸面貌尚如生草率具衣冠附艇而  
南所過獨虞公大復爲奠賻呼人至記室慟哭  
董公應舉以片幅出短章來祭時矯旨坐二萬  
金下撫按追比伯子國柱就獄縣道掩淚行刑

籍田廬不滿千餘，倂籍胞兄弟八人，仍不滿萬。  
餘株連同堂同宗，已及三族十族，始滿二萬。一  
時諸生在繫者十餘人，獨三四人以料理傾納，  
免繫，甚以省視。封大夫病，倂捕下獄。伯兄死，太  
夫人死，仍矯旨下追薦謝封大夫，聞報，暈且死。  
既獲而瘞，時偵邏四出，以飄撇恣其啖咋，途有聲  
餘輒羅網，伺益聚以心寬而靡有胸鳴者。楊直  
抗春茂，抗疏悉破亡狀得免。天下讀直指疏爲  
快，嗟乎時乃有直指乎？無何李夔龍怨直指，謂

直指曲庇公以璫遣中官搜南州地會避王舟  
未遽前而璫敗時丁卯八月二十一日也公既  
死其黨仍議坐移官通內當劄斬奴沒賴新參  
馮公銓泊陸道長免焉今上擊璫優卹公忠  
之詔屢下公弟光先更以公狀伏控迺定逆案  
先後卹公如制封大夫猶及見之里中士民合  
詞請祠祀公撫按一下各捐助有差按狀公諱  
光斗字共之號澹嶼更號浮丘生之辰當大斗  
故以名始誕有火光繞屋之異資岐嶷以六歲

就塾目過數十行無晉而措語成文點黠不謬  
封大夫心器之語其師曰吾祖難當公佐唐以  
王爵廟食於浮長二公美鬚髯國初後桐全活  
無筭大父父代多隱德後有達者意在是兒但  
虞兒躍冶耳廼屬師繩兒誤九歲屬文詩賦輒  
口就歲饑盡室粥食作粥賦鄉人至今爲談稭  
年十四漸有文名麥一榦三枝作瑞麥賦太守  
異之性拓落好購奇書喜讀節俠傳記然試輒  
大利封大夫爲延名師課讀業口就鄉副憲戴

公遂延以師諸子若孫業日精督學陳公子貞  
廼錄入泮時年二十二未室丁酉始娶母蔭周  
夫人兄弟九而公爲中子故以兄弟居學爲已  
任課每語人曰貧家無樂事率諸弟爲文章見  
其各成一藝便欣然忘寢庚子科鄉試十一名  
再不第每自諷以課諸弟無何周夫人歿娶戴  
孫媛丁未成進士仍十一名兩魁藝天下誦之  
後且以振都人士筮拜中翰兩奉使絕饋遺不  
入兩漕大水稱貸賑三黨仍佐邑令爲賑或以



爲所辦公愀然曰當居貧游饑兩尊人啜粥兒  
女菜色親屬待舉火者尚數十家豈一官而獨  
難之周岳翁有妾娠而遭妬出五月生子贖之  
登譜矣周歿而族人以半產嚼公爲搆公斥卻  
之尺寸悉歸是兒更延師訓之癸丑選入西臺  
候命八年強半依膝下築龍眠舊居課諸弟題  
曰此間有伏龍鳳雛每縱談古今言元祐去亂  
法不去亂人爲續又言李伯紀爭事不知爭人  
事之失一爭人則無窮故百年之計樹人遇吏

兵用人之人更重。苟常有筭疏天下豪傑主名，  
日爲條次，曰精神在此，又言官府鈎連，題題畫  
現，以宵小託婦寺，以婦寺醜夷狄，凝陰感召，竅  
費收拾而本症從一穢濁始，故徵治以人微品  
以清。已未命下，卽糾大司馬三四糾新舊平章，  
巡中城，卽捕銓胥，搜假印、假文卷、假官，各百數，  
益加意用人之人，其兼攝西北城司城奉要人  
意，當暑繁無辜者二，絕其食，公手批釋之，得二  
死，領屯差念勝國初倚漕東南，晚至不可支，緣

北人不知水利遂不解力田號三因十四議請  
假漢力田科以田爲殿最其富商大賈子弟不  
得志于南者得徙力田以盡北人其風厲有司  
以屯田另爲舉劾又號開屯學費一取給於屯  
制一一報可嘗神皇帝不豫璫朝璫忠賢矯  
令旨索世廟戚畹絕莊公封還不啓曰尺地  
盡殿下有但御史奉命巡田安敢私以田  
授無何拉巨璫奪子粒盡屯田持號糾之十三  
易田課積逋多重以人進而燕賦逋愈積不可

問公力請蠲逋民廼復徵收廼饒每登滕勸相  
曾不勸欲風雨蓋天下大計在兵饑唯屯興稍  
可佐田口錢故樂不爲疲是歲租倍改埋學比  
學政之難難於高舉早徇故庸或謹前奇或謹  
後詎難起衰抑虞涖溺公以高華泰斗群學盡  
屏情緣獨劇道誼每拔扼塞磊落之奇材於驚  
人語有竟牘紅勒而片語見奇其所拔多兩第  
尚名文准于式數准于額每曰士一登場文師  
輒取爲券予稔習之而忍忘之特疏開武學額

班經武淵源期得兼資奇偉所至較諸生射殞  
射藝錄刻兼材錄有古弓箭社之遺其意特達  
故士競射而膳識爲開又置水田于涿贍貧生  
給八郡鄉誡卷著爲例兩巡不薦謝卽俸入盡  
付封大夫而又好急難故十八年橐如洗逆黨  
仍以薦謝殺公凡公所爭唯大體在察吏無貪  
竊憤而登下之不樂苛細毛舉其蚤計有後然  
而今不必然故世人初訝不然而竟以爲然當  
辛壬東紛人思擁衛故人出典兵旣不程力兼

不思嫌者內戚內閣內宦公併疏糾之然奸錄  
識諸負鈴器者獨不輕爲剡薦其于遼撫熊公  
初起輒疏規之既罷再起又特疏救不快于熊  
者及遼失而憎熊者坐熊通公獨曰有本事  
張魏公以逗遛殺曲端而不入別意當無憾公  
介直不阿歷兩巡不納朝客書不徇中常侍若  
輦下貴人自其宿植而酌情揆務不漫不徼奸  
掩覆人小過而衣飭其銳誤下吏呈署錯第令  
易之其私相詬揭多引焚之每言恩不可忘過

可忘子嚮言范忠宣別美勝汲長孺合之也公  
拜予言初遷大理寺丞晉少卿踰年拜都察院  
左僉都御史是時趙公南星李公勝芳陳公于  
庭司鈐孫公瑋高公攀龍楊公璉相次司憲更  
科魏公大中河南道袁公化中調考功鄒公維  
璉再調程公國祥佐外計諸君子慨然澄清而  
璠且收天下無行義之尤者以抗諸君子遂以  
推謝撫逐史垣逐邵院公已草疏劾家口曰無  
以孤兒寡婦累人而陳少宰于庭又擬喬元升

馮從吾爲尚書遂與公併逐而璫一恣諸君子  
一網盡矣痛哉公嫉惡如風特先劄刃於群奸  
所藉跡其手撲逆焰豈爭一事是非念當舉世  
歸璫之日獨公一二抗逆爲正人嚆矢試問一  
時逢璫何異漢新卽真人出御而不先有正  
人誰爲持此朝夕之世令元愍低徊而不敢騁  
嗚呼外周內唐詎乏懷英而一日稱功四十八  
萬誰復爲精忠向者徃指三宗諸君子好翹嘗  
事以居功廼諸君子半死逆璫將無璫之逆仍



三案嘗事而庇爲居功也且三案從璫者有一  
不受璫推擢而同其死且流謫者幾人乃知事  
繫宮璫要不得迂周防隙逆忠至天下無一敢  
爲寢言又無一敢不爲頌言昔唐人之論張許  
也守一城捍天下以孤疲當強虜蔽遮沮遏天  
下不亡予以誦二公而因以坐觀圖存愧附璫  
而未死者公之功大矣公之先徙桐者爲長二  
公諱某諱某某爲公大父自某以下三世俱以  
公贈太子少保公父某初封御史今封太子少

保王母某氏俱贈夫人母某氏初封孺人今贈  
夫人公初娶周氏累贈夫人繼娶戴氏封夫人  
丈夫子四長國柱以廩生承廩配方工部女次  
國棟邑庠生配何方伯女次國林邑庠生配姚  
孝廉公女次國材公逮纔六歲聘吳大司馬公  
女長次戴夫人出三四表令人出女三長室戴  
禮部公嫡冢子邑庠生閔閔前死周夫人出二  
室方太僕公嫡冢孫庠生禹甸三室方工部冢  
子邑庠生孔文戴夫人出孫二長之駿聘馬太

僕嫡孫女次之駒孫女一許方太僕三公明經  
爲媳伯子等將以崇禎五年 月 日以新命  
塋賜阡而以姚孝廉等行述鹿太常善繼乞銘  
銘云

銘曰嗚呼馭下錯貸防上姦窮上操下防益亂  
下竊上馭伏戎嗚呼挺不可械也藥不可腐也  
移不可逢也集苑死逆集枯死忠逆之不死亦  
死其胸嗚呼春秋義缺蒲脯恣覓觸惡不舉卻  
座不功不耳不目不瞳不聰嗚呼誰以佐闔誰

以佐雖不有公死誰開大朦嗚呼誰缺爾斧誰  
煩爾獍不有公死誰折狂鋒嗚呼先皇帝未  
飭六轡今皇帝未御六龍不有公死誰挈綱  
維而授天公

明果贈光祿大夫左柱國少師兼太子太師  
吏部尚書中樞殿大學士振野李公暨配  
累封一品夫人鄭氏合葬墓誌銘

十邑文行世家則有郡城之劉龐口之李兩族罔  
不祖孫父子甲第蟬聯而劉得其四李得其三李  
饒孝廉二其在者發元仍當千佛上第兩族多文  
而又罔不簡束至行其幅巾方袍安爾蓬繩絕不  
効大家兒弟而質有其文乃丁甲繁多則李尤最  
予與兩族多姻親在諸生則與孝廉發元之祖龍

塘中翰國榮之父肖野洎少師元治之太翁振野  
爲友而中翰震之父玄溪同入序玄溪之子孝廉  
震同予兒籍而侄鎮婚媼兄弟也乃少師實師予  
蓋太翁歿卅年而太夫人歿時少師歿已逾年當  
少師歿而堂于耄室于娶藐孤于庭衆爲心惻無  
何太夫人歿益爲心惻然太翁撫古爲嘒實樹于  
霄太夫人黃扉退食佩規聖善亦烏承懼作頌闕  
宮益予讀世綸而雲錦天章昭垂日月乃知少師  
所嚙嚙未慊凡以太翁之養不訖夫人而太夫人

之喪不比於翁然而承治學弓和九訓昌其功  
大而太翁木拱門高麗景長楸太夫人大年異  
數列茵日下斯亦日畿之特瑞皇際之特榮已  
太翁孝友忠和秉殊慧辨當靡瞻載嘆而孤峙  
錫原合群鴈序仲產不問碩肥嫡婦調於溫清  
蓋身晦道光家貧行義故平亭糾紛立應取携  
其噓枯比於春暘祭酒高爲月旦而黎光未耀  
座客不空眠柳植槐有泥蟠天蜚者矣太夫人  
嚴姑豁於毛裏則太翁之奉嫡也介妣釋於耦

猜則太翁之友昆也。迺若解佩食賓佐翁爲德。  
暇以含饴貴猶効績則貧而能禮豐而能約。故  
察及米鹽御以泔濯遂以承九命之頒飽大官  
之賜無亦手足之澤行開霖雨歿存之誼式於  
鼎彝乎太翁生嘉靖辛亥四月十一日卒萬曆  
乙巳八月二十一日壽五十五歲太夫人生嘉靖  
丁未二月二十一日卒崇禎辛未十二月二十  
二日壽八十六歲按狀太翁諱知先振野其號  
也爲邑諸生以少師貴累贈光祿大夫左柱國



少師兼太子太師吏部尚書中樞殿大學士其  
始祖平福初居邑之瓶口村主德明德明生進  
進生南榮贈奉直大夫南京戶部員外郎南榮  
生傑成化戊戌進士歷官山西叅議生二子長  
師孔七品散官今贈柱國少師兼太子太師吏  
部尚書中樞殿大學士次師儒弘治庚戌進士  
歷官叅政師孔生東少師洮府經歷累贈左柱  
國少師兼太子太師吏部尚書中樞殿大學士  
是爲太翁父配胡氏累贈一品夫人臨洮公有

子六太翁其六也生母爲吳氏累贈一品夫人  
太翁配鄭氏累贈一品太夫人爲任丘儒官淳  
女祖爲平涼太守珩其母王氏鄭實生少師諱  
國譜太翁不售于璞而以廸少師司衡以少師  
茂才異等當太翁艱而予之餼而太翁不見也  
然相業廸于太翁少師初娶陳氏爲邑人陳煥  
女繼娶趙氏爲永平訓任丘趙應夢女俱蚤卒  
俱累贈一品夫人繼娶張氏累封一品夫人爲  
順天府生張經綸女女一適任丘庠生胡守憲

爲蘇州府通判思恭男孫男一爲廕尚寶司司  
丞爵趙出孫女二長適邑庠生馮倬爲貢生嘉  
祥男陳出次尚幼張出兩中翰國崇靈調爵以  
崇禎五年三月二十四日奉太夫人樞舍葬于  
太翁之塋而乞言迺銘

銘曰六龍翩翩匪鯨匪楮闕其爲潛或振于野  
子龍天張兩于方夏高城之東高河之下雄雌  
舍宮永食有嘏

明光祿大夫左柱國少師兼太子太師吏  
部尚書中樞殿大學士贈太保謚文敏  
李公暨元配一品夫人陳氏繼配一品  
夫人趙氏合葬墓誌銘

予觀古大臣以出處與天下興替相對故有剝  
以貫魚不嫌爲碩亦有乾以飛龍不嫌爲潛要  
以內觀身外觀天下當其隙開媼相憂生孽卿  
緝思編苦儼退以進儼去以留迂其身衛社稷  
以待聖明及天剗荒荼聖啓夷庚方且問冥鴻

於碩邁揚滯羽於率林而當進廼退當留廼去  
舉天下以仰奉一人而謝大任於風虎雲龍之  
懿蓋駢陰抗趾決不可無一君子以續離綆衆  
正連茹正可容一君子自其嚮日雅懷以光盛  
世予蓋有桀於予邑文敏李公云公當今皇  
帝以 熹皇帝遺命遵 高皇帝弟及之命登  
賢位也蓋天人歸與中外頌懽自非臣下可贊  
一辭獨是黨臣交口美新賴正人防微杜漸頓  
令低徊而未敢恣則公之功在不見不聞及

熹皇帝憲几顧命更煩深心公於時承諭傳  
皇五弟大聲宜揚道一錄禁中述傳數下以絕  
管其意不翅捲旆審祝則又功在見見聞聞  
卽迹求者未必深知而老成長慮未嘗不頌龍  
行虎步之聖人德福如天而國家所賴於  
正人遠且大正人所爲迂身臬叢仰禪國家慮  
長而謀精按狀公李姓諱國楷字元治號續溪  
世居邑之龐口里其八世祖曰平福平福生德  
明德明生進進生甫榮贈奉直大夫南京戶部

員外郎生儼成化戊戌進士歷山西參議有文  
夫子二長師孔公高祖也次師儒弘治庚戌進  
士官山西參政師孔生東少臨洮府參軍生知  
先公父也高曾而下俱贈左柱國少師兼太子  
太師吏部尚書中樞殿大學士高曾祖妣俱  
贈一品夫人母鄭氏累封一品夫人公生而秀  
歧玉立五歲讀毛詩八歲能文稍長卽與兄子  
進士發元舉八歲知摩切仰百禩祖武未嘗不  
念屯顛也萬曆乙巳試童子卽爲大司農錢

令公榜谷器重督學使周公更奇之當饒于序而丁外艱特令學博以缺補公隨報公缺以補其次當贈公病衣帶不解者五閱月卒不起衰毀骨立衰事如禮遂讀書張觀察藍田公塾雅爲觀察重已酉寇大比生入都門同兒輩與四方雅士雉盟予故與贈公友善爲贈公慶廸詰也是年登鄉薦越庚戌登癸丑進士改翰林院庶吉士公初謁予丹白圖議試中秘予謂能辦廿年博上弟子乎公曰自今一如未第耳其豪



傑風畧不以一第躁競如此公文藻瓊穎而放  
準循繩不獨制詩緝頌注蟲魚屑屑爲媒繫至  
誠心直道卽精神蔭映而風規澄峻初不推襟  
送抱傳噴曲之笑然嶄嶄中立貞不絕俗故異  
我不甚猜疑又念詞苑非有柄枘頗見展錯愈  
益歛戢丰稜但不置身於窳殊不令世人有謀  
入之疑丙辰授翰林簡討已未分較禮閣援名  
士二十人辛酉與脩實錄壬戌晉左贊善甲子  
再晉左諭德管司業事乙丑 熹皇帝幸大學

以公坐講易 上方親禮儒臣舉歷朝曠典公  
以德望發明天人大義 上歛容恭已以聽環  
橋門而親聽者千萬人頌漢家白虎橫經尚爲  
太平偉觀也署大司成精心引舊法敦尚大學  
以仰副 天子臨雍雅化尋晉左庶子克 經  
筵 日講官次講尚書每借經發明世政以廣  
聖聰仰承 注簡及 庭卜奏名第八遂奉

特著錄詹事學士陞禮部尚書兼東閣大學士  
入閣辦事公念璫患方張未可嚮邇再疏瀝辭

甚懇 上以舊學特簡不允公文念當鷹隼  
視以一二大臣提莊矜老帶試分風擘流之手  
養大龜及蝨成而罔密事叢方且決滯怒淹  
鑄石菑於東波而剛腸勁骨不勝忿憤遂以軟  
腰嫩灘負一堞於焚輪而益其潰當是時結膽  
之孱旣已寒心銷志卽翩翩鳳造亦復矜容愛  
儀曾厲駑習驥之未能而就一絢之絳者遂且  
附影觀風過登槐岳以謁欵於蜃閣嶸山蓋勢  
成而不可解自非深心大力誰爲寢淮南之謀

而况偶在肘腋迺自矢曰漢勃之呂唐仁傑之  
武何如殺其身有益於君古人優爲之而况迂  
其身於是翻然承 帝命其辭疏云天災物異  
縣尚未寧又云須使天心感格國步清夷時璫  
方謝謂身致太平有頌天與人歸者而公不忌  
其謝疏云妄意名節之重絕無恩怨之嫌身欲  
曠然立於四虛身欲卹然周乎六幕又云舉世  
無不可用之人而不必同於已天下無不可爲  
之事而不必有其功又云恩威出於明主或藉

之以行私職掌隸在諸司或干之以行意異恆  
博長厚之名偏執冒介勁之聲惟便身圖罔恤  
國事蓋公兩年圖撥總此先資而曲防終始一  
腸初璫欲以邊功合諸營建若捕緝微王封一  
時濫濫榮黨臣而要結其挺勁者於輪扉更委  
公以丙寅六月參大政則有 皇極殿成功若  
其鎮捷明年有延鎮捷及 憲皇帝違豫則急  
敕錦州捷敕三殿告成衛則三太宮衛爲下底  
訓內閣中舍爲下六則坐此文綺爲下四代之

疏辭再三中間有元有未允公殊嘵嘵而兩金  
吾之廢再三不得辭廼不問優給至 上登極  
得允允公所辭累紫若若不比璫歎微獨循閑  
體不與邊功不與管轄總以進營忠成不以濫  
恩傷本懷故趙夫人之喪終歲歸里而不一乞  
卹卽伯爵謬于止累以指撫仲孟清止以銷逆  
萌卽 今上御極未幾 後先放罷閑員而  
獨于公眷留不羈迨公 能至六七上不允

不休則公之進退人爲之定是時婉曲周折  
事與持而卒結於正德初以後謀劾三威院予  
以劉司諫得不滿久之璫恨楊忠愍之指爲二  
罪也後以劉志強劾張武清特重志以撼官  
閹公極言子不宜佐父難母而况無間之父母  
亦如予議武清得不重譴而罷然予議在璫方  
張而公議在惠旣成遂以奉皇親安官閹公  
之力爲大乎也亦令紹先以法故璫之裔綱孤  
兒之怒遣下司寇獄坐幾千金公明其事而

疏爲解今得釋今且爲良二千石輦下道祠不  
捐不謁自丁翰編乾學外不知有幾人而綸扉  
實桀絕之挾璫以請者公絕不見而辟雍之隙  
輿不予媚疏中朝有不祠之鼎臣也公之力  
爲大璫初以矯坊於里鐫忠臣印勒天下桀爲  
祠遂有疏茅土不足封者璫一一効莽新試天  
下其黨亦無一不効美新至是擬令史臣撰述  
功德告廟藏之金匱以璫希召言假上傳得公  
持不可而寢初璫類有廓清之議已亟欲殺方



御史震孺惠給事世揚諸人公力執之不得會  
殷工成公援肆赦以停瑤信信而罷瑤屢以偵  
捕邀邊功及款予不應而歸迺以款屬邊吏不  
成適有寧城之捷遂以款卸邊而奪其功邊吏  
當有重譴得公議仍得薄敘而文武主兵者罷  
歸公凡票擬每據法調辭不盡得於瑤而決不  
唯諾以行其意如朱童蒙等之奪情魏良卿等  
之謬封公俱擬不可而瑤獨以意行 熹皇帝  
大漸當假遣旨以忠賢首受顧命公執義削之

曰奈何當此際致 主上亂命乎 上在潛邸  
紫微羣臣大槩及 龍飛御宇而黨臣尚在左  
右 天縱聰明一一辨識遂倚公爲重一時高  
文大冊如登極如 冊聖后如一切飭厲停刑  
俱公奉 命擬上以 登極恩加左柱國兼支  
尚書俸廕中書予誥再䟽允辭兼俸於時覃恩  
有加典冊有加精鏐文綺之賜日隆公方班在  
序孟自幸脫浣淖登明清展布文體仰答 注  
眷然終念浣淖之與居爲心蟻也方以病擬䟽乞

龍遊國子生胡煥獻有言公疏曰去年七月先  
帝拔臣講席之次適薨方張謬謂黍跡鉉路  
或可挽救不謂竊柄銜憲動借上傳以行今年  
五月決意乞歸 患孔亟繼以 先帝遺豫旋  
忽奄棄羣臣然引慝避位賜一日而九迴恭追  
皇上剗除元兇煥發新政回想一年之內猘猱  
與居虺蜴與處種種愆尤人非鬼責無地自容  
上溫旨諭留公又疏曰自恨待罪台司上之不  
能如中冓嘉之困蹶通轡琦之斥任守中坎之不

能如望之死於弘恭陳蕃死於王甫忤側城社  
黨慙力窮妻死經年歸骨下里絕不徵求卹典  
避遠權璽之私憐其情可知也 上仍溫旨慰  
賈公感泣時事更疏曰天下不可以方隅限  
人才不可以恩讐私日來轉局日奇業報日速  
何如一意急公倂忘偏睡以天下心用天下人以  
天下人理天下事事必考其底績人務期于靖  
恭 上優荅慰留迺出視事隨有辨明心迹疏  
有一旨稱公忠清端亮堅意主持又曰善爲調

剋足稱丹赤誠然砥柱之倚又曰終始無阿心  
跡剖明又從所奏優卹楊漣等以慰忠魂是年  
十一月之望月食太甚公擬諭修省明年以大  
慙旣除百官未飭擬諭云竊者勳云權奸掣肘  
不得自行其志今大奸旣除職掌還之各司而  
猶不致忠竭節一時惕然悚動公迺條次十事  
其仰闕 聖躬則曰勵必爲務實益廣聽納崇  
節儉上一一採納其獻替內傳飾要貼黃分曹  
簿稽卽令公與同官舉行至用人恤民之大則

積材懲貪務修久任以部院如議申飭公念  
上方銳意明作其所條次不獨推體聖心正  
以防上所漸忽下所乘藉以仰佐明作故其  
辭有曰聲色貨利不得移譏詬面諛不得惑左  
右勢御不得候意旨有曰經筵日講下詢講臣  
俾反覆盡所欲言輔臣亦竭慮補講臣所未備  
有曰題奏文繁當先籤節要以便省覽有曰咨  
詢羣臣如古宰相奏事諫官隨之明廷益開品  
材可照有曰一切奏章槩發票擬或有上傳

容輔臣推寄事理有未合者隨封執奏于獻可  
替否之中杜竊恩藉威之漸時邊餉急缺公詳  
各邊餉疏因奏各邊所急且天津運價十數萬  
無措上立發帑金五十萬 上致齋文華殿召  
公入對令叅詳黃祇揭帖公覽奏此無知小人  
淺俚悠謬不宜傳示外庭災之使 上從之又  
勅改票御史袁弘勲疏公稱 皇上明目達聰  
聖讒息邪真 聖德之事又出請帑揭帖公復  
頓首謝因言 天威咫尺臣等一時悚懼所懷

未能盡吐惟願 皇上召對時勸與大臣言官  
共商政事取自上裁則君臣情通治平可期  
上曰卿言是公又言章奏稟擬或有錯誤惟  
皇上明示省改歸於事理之當 上曰政稟朕  
親以御筆行之卿等詳酌公類首謝 上又勅  
遵行詔旨公上言 皇上躬親大政綜核名實  
召臣工課勉之諸臣自能振起精神以襄維新  
之運上霽色嘉納公入二月以病乞骸者再入  
三月凡四疏以傳首輔有疏 上報曰卿忠誠



洞達允愜元揆度品既宜論資亦當機衡重務  
朕今悉以委卿已有旨諭留何得復申前請况  
詰朝恭進皇考實錄卿以心督大臣正宜表  
率百僚贊朕孝思光茲大典若再安私室君臣  
之義謂何公遂以遣官敦趨入且疏謝因言輔  
臣昔謂鼎司以其關通水火之交而熒和公餽  
也第德不配位則瑕累彰受過其量則顛隕速  
此其咎在臣一身然今天下民窮矣而追北方  
急軍饑矣而月餉日匱遼難將禍未息挿酋已

撫衆臨邊安賊毒焰正煽聞寇已橫戈渡海此  
皆先廟實錄未經見者邇今并集一時在事  
諸臣或悠忽日月議論折衝一旦警急何恃不  
恐聖明洞悉安危得覽材品願召對時勤  
俾任事者與言事者參稽祖制爲經常可久  
之策實力行之天下可爲也有旨召對諸臣  
參求祖制當不日舉行公以乞歸引舊輔薦韓  
蒲州及予其所稱抗權批逆定難持危兩人未  
敢當而中引論相語有云持心如水以義理爲

權衡而已無與又云天下萬世之事當以天下  
萬世之心處之則誠相道也 上以忠誠嘉之  
公乞歸之疏無月不上輒蒙 眷留會羅御史  
元賓復有言公自四月之望辭疏凡五上不得  
請入五月以母老身病六懇其切至之辭不翅  
李令伯 上爲感動允去其 予告隆恩近代  
閔氏所未易得言有云終始隆眷真可以酬公兩朝  
苦心矣先是辭 實錄恩允辭太保至是允辭  
太傅謝疏有云嚴嘖笑謹幾微左右非老成著

聞不以奉起居、女謁非外庭、公選不以承御率  
又云陰陽寒暑之過激也、其極至於折膠墮指、  
鑠石流金、然而候至則移、時過則退、凝寒極熱、  
不可爲嘗、臣以爲正氣沉伏之後、利在發舒、元  
氣休復之時、法宜將護、義正仁育、神運時出、秋  
肅春涵、乾綱獨攬、又乞還胡煥猷、胃監有旨  
忠愛溢于言表、朕何能恕、然仍許以要着許以  
力行、准復煥猷許以錄用、公以六月之朔抵里、  
其謝疏有云、吏道悠忽、邊方蒙蔽、勿謂富強爲

末務法廉爲迂譚有旨嘉悅廼三疏辭川省  
敘恩受銀幣又辭實錄俸廕不允公歸以得奉  
太夫人爲快而殊恨于贈公不一日養也每會  
宗人語以仰念祖德勿以偶博一官而叢人怨  
其敘廕予從弟國棠再予從兄子霽及霽立家  
廟爲塾置義倉于側贍族人以仰慰祖慈奉女  
兄如兄附母黨如姓宗也嘗其脫行虎際風雲  
斯以爲快廼更謝天下安危之任與同學少年  
尚餘洪山白水之間攬千歲之真氣佩六月之

寒齋舉手捫天把盃問片未嘗不快身到滄洲  
樂携伯仲也公與涿鹿同館並留遂成大業當  
事實嚮予贊決去留兩公皆少年予參大政則  
公登第之歲公低徊史館日子已角巾里第予  
再居東各相勉而不意爲訣也予邑以甲第接  
武四世者公與郡城之劉而公遂以大業顯蓋  
交行世家云卒未春三月忽以疾不起蓋抵里  
奉大夫人六年而終以先訣太夫人爲恨也

上聞震悼遣官祭塋如制贈太保予中書廢謚

曰文敏公凡三娶今爲累封一品夫人張氏順  
天張庠生經綸女有子女不育今爲公拊其前  
兩夫人之子若女其初娶于陳爲邑陳處士煥  
女封孺人累贈一品夫人順正勤恪逮事舅姑  
佐公成大業每分燈爲紉也卽登第上玉堂公  
猶是予嚮所云十年諸生也蓋攻苦茹淡夫人  
同之以初封而歿再娶于趙爲任丘趙司訓憲  
慶女封安人累贈一品夫人穎慧通詩書大義  
公方歷官詹陟通顯夫人祝起居惟謹佐公孝

事姑貴而能約不見公叅大政也公生於萬曆  
乙酉十月十七日卒于崇禎辛未三月十四日  
享年四十有七陳夫人生于萬曆戊子十二月  
初十日卒于天啓壬戌七月十九日享年三十  
有五趙夫人生于萬曆己酉五月二十五日卒  
于天啓丙寅五月初十日享年十有八子一爵  
座尚寶司司丞趙夫人山女一適庠生馮倬爲  
貢士馮嘉祥子陳夫人出嗚呼諸君子當天啓  
丙丁之會非迂卽溺或烝圖隱約未有塋完者



及歲當新祚風虎雲龍仰承作睹亦未有一  
脫泉群罔躋鳳覽上美天褒下集民譽終始稱  
一代完人而履順居正如公者予讀易至剝復  
悉持剝之大臣卽養復之大臣也 熹皇帝以  
堯舜格于中久逆方行而小人長須大臣以止  
之 今上鋤奸芟頑逆方除而剛長須大臣以  
行之然薰蕕在婉曲而承聖神寧容直遂故于  
剝曰以順止于復曰以順行蓋剝若附而不入  
其中逆不拆復若在中而不動乎外順不行然

則朋來而以順處順尚猶幾貞而以順處逆乎  
乎於此識天心云蔚以崇禎十年四月二十八  
日奉公柩塋于 賜兆以公門人薛知府玉衡  
狀乞石言蓋不勝誌人之慟也廼爲銘

銘曰獨勝有權幾適有禮以握以調不結不斷  
才智猶信戰爭偈偈結轡我中齟齬我外公曾  
有言用明而晦龍休于蟄蛰藏于斃公曾有言  
用鈍而駛驚舟安流汎駕安轡國鮮嘉琦節婉  
迺趨騰淵怒濤橫流逆波出沒百柱吞齒萬川

不有巨壘其壁迺導於勢因東於氣滅涵育  
龍魚浸浴日天坤維不悞乾經以旋龍從淵躍  
迺用汝兩波亦不揚颺亦不舉醒於國狂冥于  
漸羽枯不以箴蕤不以圉雲卧裴莊屢遊謝墅  
戢藏鳳弄丸俱學讀易剝復如循於環以山附  
地豈不駭焉蔚爾碩果而終巖巖以雷在地初  
亦閔滔黃鐘方芽青帝握璇扶杳于若迺光于  
曉玉琢益栗金熔益堅其在先朝迺辭華盛其  
在維新迺承榮命辭爲留嚮承爲去徑碩以剝

孤朋以復勝剝順以止復順以動一動一止天  
心永定

明中憲大夫雲南按察司副使浚泉井公  
暨配封孺人累贈恭人盧氏合葬墓誌  
銘

予澡髮喜譚吏事猝遇郡邑治行高等輒詢其  
狀當浚泉公以制及兩計歸旣爲予娓娓悉所  
以治郡邑者而予少與伯仲兩嗣君遊公復以  
季子拱垣師予又得以長者交公而更悉其家  
政蓋公之配盧恭人歿十六年矣而公歿伯子  
拱極持姜進士所爲公狀并所自爲恭人狀來

乞銘予遂以狀合予所悉者條次其事曰公諱  
濟博字世化別號浚泉世爲文安之柳河人有  
諱仁美者自柳河來仙居鄉遂家焉一傳而生  
浚深生寬寬生仲祥仲祥生瑁以孝謹聞累誥  
贈中憲大夫貴州黎平軍民府知府配王氏有  
賢操累誥贈恭人舉丈夫子三公其仲也生而  
沈穎不妄嘻謔兒時失王恭人哀毀如成人娶  
繼母張如事恭人罔冠補諸生庚午以兩戴禮  
舉於鄉辛未中憲翁歿執紼苦塊若喪恭人時

既上南宮輒乙榜筭未出爲通渭令通渭地僻  
遠多逋賦公卑騎抵舍披荆棘居之不遑裁以  
法而時集諸生於邸飲食之爲講說行誼若課  
子弟念隴畝未清故有隱田乃有包稅或代輸  
而乾沒之乃有復稅詎租吏按籍課輸至奸欺  
不可問公屢畝經丘田清而稅歸于額又以公  
燕三老司歲入無復乾沒爲奸利者故私逋完  
而不煩猷朴兩臺以聞有白金之賜會寧令風  
憲王生適生之婢盜環而縊遂抵大辟公復按

之得白卽會寧令有治聲不視其案也曰法止  
是三載考績有璽書之賜擢邳州守邳當水陸  
衝馗歲苦河苦徭役公至則通九等令民自占  
而質諸里甲僉協者註爲籍間以聽讞所襍識  
若嚮所巡行偶采者繩其欺謾而徭役均乃復  
察地脉剛柔以計工力而畚耜之費旣定不更  
派一金更爲申逸堤之議物土方議遠邇量事  
期計徒庸七日而防成公有遠計其所儲不必  
旦暮亟需而適於用嘗蓄聚至十數萬斤又採



湖中茅爲索至數百萬斤。嘗璽河決，督河使  
務皇無措，而卒藉公所蓄以塞決口。至三倍其  
直以償之。邵務旁午公行河，輒兼聽質或伺客  
於河濱，輒以了公事。每從片晷，按數百牘，吏民  
駭其敏捷。公嘗言有徙父骨而讐家爭曰：「予母  
也。」按舊法鞫之不驗，遂露骨于衢，而數欲驗之。  
數不果。旣月餘，卒往，則月餘皆其子在耳。乃罪  
爭者曰：「若毋守而人代之耶？」伏其辜。督河使方  
欲借公監司河上，而公以繼母訃歸，服闋補鄧。

州屬宛洛大祲流備肉薄左食不糊口而群聚  
爲疫至勤貿貿百里外曾不見庾靡而瘠溝中  
公以積贖千八百金令上縣所帑金二千餘  
急買穀布災鄉遂沿鄉核饑民而予之符主粟  
者但頭會收符隨所在出穀故小民無一切患  
苦而行災使者亟稱鄧云屬錢壅重法疏之而  
壅益甚公出倉中穀平價而市鬻之斛不過三  
盡許以錢易故錢盡注於官乃下令以粟若銀  
易錢者聽民旣以易穀不給於錢而又見官之

不難以錢易也自如約與官易蓋十日而錢行  
如故且得息二百金以聞之上甲午擢同知彰  
德郎臺董公從民望奏留之以貳宛至則清士  
伍按籍而汰老弱以省歲餉會礦稅使貽藉亾  
俚走長吏於庭而紮揖之公笑曰予豈以踰踰  
受溫變者捧手不拜而璫亦矯意禮之卒因事  
以導之正丞無專政諸所興學禮士調酌權採  
每晝夜焦勞以匡守所不逮嘗受牒審軍民戶  
口爲百姓稱快又嘗以丞攝守若州邑或州邑

各投牒以請其去無不攀卧挽去轂者公所至  
沿革務求實効而橐不厭一鎗故所至輒薦剡  
數十上而人人願得公詔予誥晉階辛丑擢黎  
平守忤當兵燹後直以蕩夷簡易調輯其人裁  
通馬四十五匹歲省金八百餘諸所除苛解媯  
如撫嬰兒而時其乳哺盖漢情形既悉而卧  
閣以治黎人稱其重青衿調馬政裁門稅革濫  
訟平市價釋淹禁懲巨蠹種種皆二百年初舉  
者丙午擢雲南按察司副使是時公已叅議不

碩淵淫蠶鄉而當事方以格柅公益甫下車而  
輒稅歸鞅矣歸七年而卒公惻幅簡直語無個  
借其綜理周密而遂遂爲讓義不避鼎鑊治生  
若齋特好施予歲出粟濟族屬于寡姊若侄孫  
輩爲館穀終身在下邳趙公堂賈公西土客死  
遊旅公輒捐俸理其喪蓋天性樸直好行其德  
而盧恭人實以樸直蚤佐之恭人父應登母董  
氏恭人初以公官通渭封孺人再以南陽贈宜  
人後以黎平贈恭人十八歸公輒斥鉛華佐公

於學時已不逮事王恭人日佐公養中憲公暨  
繼姑中憲公嘗張具款邑侯屬恭人以長女伏  
床蓐輒勉起修洗泖蓋張家姑嚴而恭人亦自  
甘荼苦凡四免身率不踰五日卽盥沐服家政  
歷宦更如許歲每甘蔬布佐公廢晚爲公置側  
室舉一兒憐愛之兒殤殊悼之時時調熊丸嘗  
諸子不欲效大家兄弟宗黨中有貧寡者每節  
所自奉以振其乏獲有子女逾月始責以事而  
御諸婦啣嗅若子恭人少執掌積病及從宦往

往以藥餌自衛丁酉秋公拆歸德會恭人疾劇  
遂不起公生于嘉靖丁酉十月二十八日卒于  
萬曆壬子五月十二日得年七十有六恭人生  
于嘉靖庚子十月十二日卒于萬曆丁酉九月  
八日得年五十有八子三長拱極太學生娶大  
中丞姜公璧女次拱微庠生娶臨穎簿保定高  
公登女次拱垣廩生歿娶中書紀公大績女兩  
嗣君將以四十二年四月十五日奉公柩于先  
塋開恭人窆而合葬焉史氏曰鄧蓋有公生祠

在郡七里河埠口碑其治鄧大畧而宛黎各有  
去思碑無不稱其樸直有幹畧里居爲澤國議  
遙提費省而利大當事竟用之其詳具乎戎志  
蓋與王大司馬展河議并頌於輿人尚猶是邳  
河之緒也恭人當結褵卽輶軻佐家政其大無  
如曲事繼姑而輕財好施始終與公合德蓋井  
氏且世食其福也是宜銘

銘曰仕人鮮褐競於善利公所輶跡半在天際  
邵有沸魚宛有蒙袂靜以綜芬恬以馭蹕苗美



於九璫調於御不惜鴻苞而榮豸佩亦有懿淑  
中閑總配子子孫孫承承繼繼繁清白遺我辭  
勿替

翰林院簡討劬生王公元配孺人姜氏墓

誌銘

嘗閱世家乃治當顯赫中或至藉輦輓以傳殊  
令人痛然輦輓頗能光揚乃治而大其傳又殊  
令人且痛且幸迺若三世孤嫠拊子拊孫載咏  
蛾術而卒以似續于祖其幸也其痛也予友王  
翰簡諱陞字德懋號劬生其大父慶陽公佩以  
進士高第爲良二千石父樂安公惟幾亦以進  
士令樂安翰簡接兩世佛名直金馬著作之庭

蔚爲畿輔世家然三世獨傳而翰簡歿遂以三世之業倚於元配姜孺人云翰簡滿考毋楊贈孺人而配得以孺人封孺人故大中丞姜公蒲汀諱璧之仲女母王封孺人其伯兄繩武諸生以子銓封肥城令仲弟揚武以進士爲掖令季弟經武諸生狀孺人者兩王舅各以進士爲名宦樂安公初爲翰簡問姻于中丞也中丞公方爲諸生樂安公歿而所聘殤楊孺人拊藐孤而由丞公第遂續締孺人尚憶中丞公莫楊孺人

辭曰夫人來言願續前盟一死一生忍負交情  
孺人頗少於翰簡公蓋待年而于歸云孺人生  
長富貴而又婦獨子楊孺人更女拊之然孺人  
念姑慈而益恭每羹嘗小姑以安姑楊孺人蚤  
娶而獨拊翰簡公及一女然不以娶之孤廢折  
毀嘗命負笈遊賢豪間若王文端馬琢吾先生  
之門孺人既辦裝以出則入奉孀姑唯謹而佐  
姑視家政楊孺人喜曰佳婦愈益飭翰簡學曰  
子倚有佳婦門內外誦曰良哉少主人翰簡公

舉于鄉登進士入中秘爲翰林儒人辦館餐視  
朝衣鷄鳴之警如諸生時飭中外唯謹神皇帝  
之季詞苑無他政多得據地酣歌翰簡公復負  
豪畧一時握臂秉羽之英盡欲得公爲遊重孺  
人飭鮮腴供嘗滿而每問客何似君雅不欲公  
逐級尋行墨也且曰幼而貧願君不煎于貧今  
且願君勿忘貧星警珥箴不翅牛衣之諷而矢  
桓少君勿忘也更曰推珮金馬門預期大業而  
遊酒人乎翰簡公奉英蕩于宛分較南宮唯期

爲國家得名人以不辱命固公所素盟而猶人  
相賓敬以誠固遠矣孺人自公爲諸生至官長  
安操家政如持六府之憲釐然有條次身無憾  
求之服室無文衣之飭子婦而下無敢禮紫珍  
作鏡聽也軋軋綿車坐銷譁許而釜簋有別瓶  
甌有堤誰司箴工而紉佩蒹蘭誰司炊簋而漿  
臠肉酒誰司昕夕而不警于枕不鳴于籤至于  
威戴勝虔苑窳聽鵲鳩布穀寧獨金鹽玉豉料  
是凌稚抑亦瓜疇芋區指彼陌畛故問耕問鐵

無敢以蕭芷雜之滌中無敢以燕鵲雜之隴上  
富翰簡在一切家政唯孺人是操卽翰簡公歿  
蕭蕭雍雍一如翰簡公在晚迺依王孺人中丞  
公女五而王孺人出者四其長壻爲予友并暨  
州荃玄白首齊眉子孫振振王孺人拊而樂獨  
攢康孺人耳王孺人歿而孺人益孤嗣子娶婦  
成博士弟子員且有子孺人爲加一七孺人伶  
而實慈蓋惠及姻親蓋待以舉火者率以翰簡  
一親而酌給之如翰簡無不及而未嘗吝曰爲

兒守此鉢兩也斗粟尺布謹于嘔啖無何嗣子  
病日爲調藥餌視飲食語曰無有懼怡一日九  
結當其在寒祗煖問友延師曾未得少舒眉夢  
而一食于婦之報無何子病歿而以瘞拊瘞如  
嚮者奉楊孺人乃更含飴抱孫如楊孺人之拊  
子也孫殊穎脫而文蚤入鄉較而以孺人之任  
孫女爲婦乃以命孫曰未亾人恐死爲兒父若  
兒誠不忍忘先姑令先人之業墜地而荒耳兒  
其勉之承未忘人意以昭前人之光孺人因念



翰簡公途脩馭短旣乏盤盂壺鑑之策銘而貽  
爽有謀豐水有芑謂誰攀輓之文不足寄不朽  
深思廼以孤孫從諸公啓當事監雙闕昭三世  
隆光而翰簡公分宮塔俎豆孺人所爲以弱女  
子承先志乎予與翰簡公少同輩研而又後先  
直承明兒銓壻于姜也寔聯兄弟之好兩家娣  
姒冢介然孺人嘗出諸姬拜亡夫人蓋謂孺人  
慈而弓繻之望殷也楊孺人姿而拊一子一女  
子娶婦女爲紀家婦三人相依也而不見子生

子孺人拊嗣子娶婦兩人相依也幸而子生于  
而嗣子歿又不似翰簡公得當母太孺人大故  
其三世事姑不以姑以母其拊婦不以婦以女  
翰簡自言不識兒胎有髮孺人初見呱呱便溺  
而走晚乃抱孫諳恩勤兩斯也翰簡又曾爲予  
言嘗聚骨中丞墓傍予楚楚不能語孺人望西  
靡之樹而念掘閔曰祔未亡人于亡耳當爲弱  
喪兒索佳地其明辦而決更可悲也嗚呼當孺  
人欲翹霜焚麝脂咀噉瓊華也天曾不十資于

星薈而茵開葯房沐簡奉若以進襪羞亦曾不  
得抱璣含璫及其采明月于鮫宮攬彩羽于丹  
岫豈不謂英英照人噦噦鳴世而脩月方工記  
玉先約旣不能挽駿狼之長暉留玉署墨卿于  
拘攏又何能延驚飈于秀木護縞羽于旋嵐鳴  
呼天昨光德善積不廢豈變葉不以引齡而千  
年之丹丘適逢一燒也大異重仍高天難問孺  
人所爲紕思編苦讀怨錄而永思慟蓂楚而淚  
水然則披蘋風之扶上想桑日之洲雲捧寶泓

以泣徒付升卿之率祖彌念我良執胡天不吊  
筑荒發婦中道此雖不案舉于操作機不續于  
絢終予之對季駒念哲人撫蘭芽愴重肯誠痛  
之也孺人生于隆慶五年八月十一日卒于崇  
禎九年正月初八日享年六十有六子一祚永  
邑增廣生娶田氏兵部尚書田襄敏公樂孫女  
錦衣督都爾耕女先三年卒孫一謙邑庠生娶  
姜氏杭州府同知侄銓女祚永出謙以崇禎十  
年三月十三日奉孺人柩合塋于翰簡公墓持

姜孝子經武所爲孺人狀乞石言狀稱孺人貞淑慈惠本于天性其端嚴簡肅似母其柔靜勤操似姑生平茹荼茹蓼無一非攢靡刺心予亦悉其然予旣銘翰簡迺更銘孺人

銘曰嗚呼以釐晚代芳治而亢其宗遂以兩拊孤而傳無竄孰謂孤鈎寡珥而不當一雉嗚呼是所稱米亾人拊亾人之宮

樊令公墓誌銘

予夜讀浙川志紀舊令樊公瑀毅然以古循良  
自任且曰有守有爲勗邑以采興利多遺澤深  
未有及之蓋甚快其人而動念於公之孫望我  
公望我予同年友也明日經而來謁者望我之  
季子夢斗泣而乞望我銘望我八十有八矣數  
月前曾問望我于姜門人穆如述其靜而健日  
若潔齊而足不城跡久矣崦嵫之景駛如迅駒  
問儕中更失良友讀王獻我門人書爲之三嘆

因念季子來而何以先勸念于舊德也公樊姓諱效才字龍所號望莪始祖諱希初繇小興州徙文安贅于王屠城東南家庄再徙城西之郭里希初生志學以人才授山西廣昌丞生政封工部虞衡司主事生瑞登成化甲辰榜進士授職今人名宦歷四川順慶府知府忤逆瑾罷二子續生潤俱邑庠生潤配程氏生公初以晚子授學而太翁善病公以十歲依母授書至落而歲異重仍採草木抵膚克餐而不廢

學十四歲試童子科雅爲王令右軒所器重居  
三年八類又三年食廩八等試輒冠諸生督學  
使無不以名家相方以選貢入太學則司成李  
公九我方公中涵比公罷府與大名成公齒予  
七人稱太學七士獨數奇不一得第謁選人則  
袁石公留以卒業而公意堅遂授鞏昌文縣令  
嚴邑閒曠方八百里饒蠶訟借六察居奇于短  
長盖官護先辭招訟以取鉤金故辭繁而官饒  
瑣科日紛山谷人于牙前公旣剖誕謾而力絕



贖鍰酌輕重予之法更奏記巡方使者謂在邑  
非有大姓可煩斧鑕既從其請矣廼有綱官吏  
于贖而以僞印投者公以印辨其詐巡方駭公  
之明而能辨蓋信鉅筭之多訛也邑故設守備  
統所十有三當蜀道而兵多占冒執單而餽者  
多非其人故有一人而數十單或及伯公爲補  
其逃亡請其射占按名以籍按單以名餽無敢  
冒而伍克邑多士應比長安負笈三千里而有  
司不藉分毫公請以柴馬八十金爲藉著爲令

更念剗劾之區額賦艱輸而庸調不平征歛重  
數興作更艱卽學官茂鞠公爲清審編減商稅  
除耗羨均解戶脩倉庾濬學頻漢吏帛幅不月  
記而歲記公殆過之無何以臬與郡衡而連染  
公廼論靜海其地去文安不三舍公旣習其風尚  
文格而入覲廢闕殆甚于秦之文也倒庾爲風  
始合紳衿于胡令公損輸以脩一時文心奮起  
多士固素佩公大業公復以大業課督而手類  
合否一時名人蔚起盛公者遂登公俎豆無何

晉藩授有洛陽之行、福藩、天子愛子、其從官  
以廩不時給、而倉裏于市、公奏紀數千言、畧謂  
欲爲聖明之世、保治安、又欲爲天潢之派  
計長久、其私愛公計、莫如民窮、職每見藩府從  
官、鬻衣物以糊口、因念官府且然、閭巷可知、洛  
城且然、遐陬可知、民窮盜起、靈寶之禍、可爲寒  
心、我王皇上之愛子、我王篤孝、又深得皇  
上之懽心、倘于問安稱賀奏章之中、婉致一言、  
以盡幾諫、則聖意不難轉回、仁澤不難下究、

晉吳王勅閱一疑懼，既而優旨答之，迺頒從官，祿  
內外有頌聲焉。當事無不以文章德行稱之，而  
公且乞骸歸，予謂捧檄而官，當隨所官圖，可以  
不朽乎官，望茲公之蒞官，尚可不朽乎，以合浙  
川乘尚猶行大公之道也。公以癸巳與予同特  
選之典，周懷魯師拔之，李雍野師譙同榜于京。  
北棘闈公與予同大城，賁繼瑛寓小招提，入同  
筵，出同轡，相與論舉子業，暇則覲同遊，蒲博爲  
戲，予兩人不甚飲，而與同遊共酣適，時當領試。

卷殊錄上大宗伯而公丁太夫人艱倉襄旣不  
可留而殊卷不備則禮曹他日無以爲名予更  
以公歸而代爲錄更以幅短而錄入者再其後  
試大廷入成均盡後予三年予登甲午榜公尚  
婆娑菰林又十年予濫詞苑公方以茂宰試烹  
鮮手予以乙卯有南闈之役則公論靜海盈盈  
一水相望舟中寢後公顧予于東年七十五矣  
撥盞整束緒綵翩翩巖洞豪仙也相與聯臂遊  
魯山黃嶺之奇崛而挽結河山其覽錄不翅新

息抵掌談阨塞興險紆所揆策又不翅同贊皇  
登籌邊樓聚米畫灰蓋細柳長楊一一按覆時  
則衣公以駝尼醉公以青田壺意動神掀而少  
年豪宕不羈之韻頗以忘年卽予罷鎮歸來亦  
擬探予下里勿歎息于生平相與之人豪曾幾  
何時而半同雲鴻沒滅如王觀察四槐姜中丞  
蒲汀紀黃門豫吾王觀察夢巖皆嘗呼公爲九  
齡小友旣化爲古人而同遊英雋如王翰簡劬  
生紀卿寧廓吾姜掖令克光又復或在或亡時

方推公以洛耆祭酒而溘然長逝言念今昔可  
勝殄瘁之痛公負材倜儻而晚益駸練其急病  
讓夷若豪于名莸而行有方格固恂恂德讓曾  
目觀陵尊加大意有挹注衆正爲平亦緣是不  
合于陵加遭蜚詆于司衡先受坐之士罔不同  
舌共譴而名更藉藉以張家居二十年日編司  
馬史題君臣二目凡十三卷又考古人所經歷  
爲日涉編目端坐一室至塵盈硯席晏如也即  
虜氛闌入公居二里許若不聞每五鼓盥洗洒

掃身爲之終其身不倦病革唯曰生平正且絕  
不作兒女語蓋篤行君子哉公生于嘉靖二十  
九年庚戌三月十九日卒于崇禎十年丁丑閏  
四月二十六日得年八十有八配周氏有丈夫  
子三長夢熊娶官氏仲夢桃娶張氏廩生俱早  
亡季夢斗廩生娶李氏女三長適較尉張鳳鳴  
仲適儒士邢惟揚季適武生裴懋揚後公十七  
日卒夢斗將以今年九月十七日葬公於城西  
郭里之祖塋予爲志其行而銘之



銘曰資則楨棟品則璿璣名傾子墨遇始除書  
庭無閤文介無冒楮花城廼謝桃蹊廼紆司海  
濱鐸曳王門裾行有方幅誼無咨且天人董策  
治安賈疏嘉言則罄王心則愉鱣不下堂鵬乃  
鳴居挺拔遠操而試一隅澄清大畧而除一廡  
其風爨炭其致蘧蘧其氣矯矯其神徐徐雄風  
斯快廼過右祛今兩斯來廼過左閭芝房三秀  
掌握一珠上揚宗祏下啟寶符百千千孫視一  
頤謨

明安州田烈婦成氏墓誌銘

予友濡陽田平壁以辛丑高第歷官登萊遊監  
軍副使生平凜凜負大節每論奏奮不顧身予  
嘗薦之朝曰一介不取百折不回故其一門風  
尚多以氣義相高有丈夫子十女十孫子女亦  
復十餘丙子秋~~田~~陷濡陽人死者以澤量而平  
野家死水死及合子女八人獨烈婦死最烈烈  
婦之夫行第五名之龍爲濡庠生材可嗣平野  
大業當城陷婦卽囑五郎携兒廣智奉老母去

勿顧我。我急唯有一死。五郎初掩家衆於壞垣。  
輒奔壞垣。五郎急扶母。隨小大他奔。婦獨迷。  
失道急不得覓。僅護母若嫂妹諸兒。越阡而東。  
婦果爲■驅。同他婦閉一室。婦急投綬者三。以  
裹婦不得死。衆婦與得他遁也。■忽驅以騎行。  
婦又急投水。水淺又不得死。■復驅以刀促之  
出。婦罵曰。我成貢士女。田秀才妻。吾翁以名進  
士爲監軍。死則死此耳。斷不肯隨。■一步  
以辱身辱兩姓。且罵且手掬泥沙撲。■怒群

箭射之婦且死猶罵不絕賊愈怒以刀隨之而  
頭顱碎遍體血水盡赤他婦遁者從旁睨之識  
爲婦圖退五郎就衣履認之及歛目忽大張衆  
驚裂裂有生氣也不知一時鬚眉丈夫有此憤  
烈乎婦端嚴不苟頰笑工繡刺紡績以十三歲  
來居女室五載不踰閭不聞嘻訾唯姑命日辦  
姑若叔妹衣服翼向姑喜曰得佳婦以十八歲  
居婦室愈益爲恭順居恒布菽嘗誡五郎勿奢  
點大人清操勿情陸大人大業五郎有小拂聲

輒以義解之。五郎侍翁病，婦勸以省試湯餌，曰：「此不用吾情，何以用吾情？」姑病，婦方山居。五郎入侍病，婦以不得隨侍，輒以身額。若有報者，曰：「姑病良已復，果然。」婦居娣姒十餘人之間，卽奉宗不畎，卽卑宗不亢。唯忍，唯讓，自將其姑叔姪嫁，不難解簪珥爲佐。婦成姓，貢士于樂女也。成與平墅爲馬郡粹友，少同研席。平野登第，成尚落落諸生，適以五郎締成，成以明經歿。而平野方官計曹，或言成之落落也，初締復無盟詞。

平野怒叱之。卽五郎少亦復曰：「丈夫家于婦手，乃定盟，而以賓禮同養于女廬。」乃今烈烈有生氣者婦也。婦生萬曆三十三年二月二十日未時。卒崇禎九年八月初二日。時得年三十有二男一卽所囑。携廣智未字女二。長許聘儒士王某爲完縣庠生。王潢第三子。次許聘儒士李甲爲完縣選貢士。李邁林第五子。今年月日。塋婦萬山之麓。嗚呼五郎力能脫兩母累。弟妹兄嫂于虎窟而不能脫。烈婦于難將無天。

以完節付烈婦以光平野慷慨之門而不令曲  
全其生耶八郎有癩疾死及其婦爲房太宰女  
施水其他俱死水而十郎與長郎之仲子負高  
材可世其家亦以水死一時爲平野惜平野廉  
吏諸郎分其康無可治生卽烈婦死甚烈五郎  
貧不能爲烈婦聞于朝卽朝命亦不及也嗚呼  
烈魄已馨濡水烈骨弗白燕山乎悲哉烈不  
上聞而平野之後有大患不得以言聞也

銘

銘曰濡之水清如浙濡之水淺如滴一泓冽冽  
淺不滂一掬晶晶清不礙胡然而自潔之漚朝  
然而赤丹之泪啮齒之憤紅如可用激撲泥之  
力笏如可用擊嗚呼孰冠箕如不與績孰髡戟  
如不與摘髮而矛其氣如怒孰與柔女子之罵  
而塗填之與敵有美而文若錦綴弗領錫有  
貞而慄若巾幘弗領其斯以爲八死之光而  
濡之清淺可揭嗚呼



明鄉飲大賓義官仲兄再吾暨配段氏合  
塋墓誌銘

予家自蕩源來占居城北之西庄稱殷厚至曾  
大父大父好義俠家頗落至先少師持兩大父  
大義以應直年直堂遂至罄產不支而伯兄仲  
兄俱學不意仲兄為儻明持俠氣予家文業起叔  
兄而叔兄得竟大業迺以仲兄延師教而予從從叔兄  
學遂通及子若孫以文名仲兄歿而見叔兄司  
職方及予官翰林也公諱敬思字慎之號再吾

先少師配予母張太夫人。生丈夫于四，女子于四，長爲伯兄處士公諱敬先，字述之。次卽公，又次爲職方司員外郎諱敬宗，字叔倩。又次爲予承宗，字釋繩。以大學士居閒，而仲兄歿時尚在翰林。公精穎有先大父少師風。先大父以材武徵，不合中人瑾，稱病歸里中，不字呼而號朝士，以徵於朝也。朝士公亮，首修幹，有慷慨大節，每抱公撫頭角，曰：「顓我初學儒，無何棄去學騎射，氣意勃發，卽駿駿馴謹，而雅不欲居人下，喜與負。」

氣意飛揚者交其淺俛首爲心計而規錙毫  
饒公輒吐不入頰頰或稍有憑藉威鄉里者卽  
未嘗波及輒避不與語其善良貧下每拆節禮  
之讀古史見忠勇剛烈或語次及忠勇剛烈輒  
喜結着宇若初終異操富貴異嚮輒起不坐而  
走或坐中賤詈如對其人里豪醉爲詈先叔祖  
屢矣先少師解之而不遜公方髫也捫其胡曰  
何物稀突辱人祖父捶亂下如雨里豪更乞脫  
先少師而後不復醉不獨不敢爲詈也性愛馬

取神駿一縱轡輒絕塵而去爲快如蹻蹻浮埃  
中輒棄不顧弓挽彊可入石發輒二百步爲常  
生而矯健便捷乘怒馬挾弓刀出入翩翩豪爽  
嘗俠遊大將軍秉衡幕往來蜚狐拒馬間領小  
隊防紫荆每合衆耦旅射發矢輒屈其耦然徒挽  
彊作好不一當無何辭去曰有親在邑令鄭  
公以氣義重公遂團練弓箭社時方徵良家子  
材官禦倭而令公歸粵托重公也公意借道以  
武功爵顯而竟不得當倭當其之粵坐大編遊

彭蠡之間、弔嚴機、茅岫爲快、適群劫、劫來舟、公  
從旁護之、矢三發、殺三盜、遂爲獸散、每及泊、輒  
引所部登岸射、觀者嚙指稱善、嗣後舟從席過、  
矣、後四十年、令公孫以孝廉謁予京師、尚感誦  
風慨也、家非富而好振人之急、有托公爲重者、  
輒力副之、其倚貲輒傾篋倒庋以應、故聘予采  
莖予櫂、族有以誣坐大辟者、公輒佐先少師脫  
之、至其人有始托之、而後負之、或反噬之、公亦  
輒報相當、曰、吾不能以軟媚爲是兒負也、出貲

爲居殯有負而去者下里貧老輒予之緩不問其豪而力爲逋若徵及門輒贖公必盡徵之或其人批頰謝公亦輒焚券以謝旣輸貲有尅裳邑令公每以大義引公視所興作凡河防城守諸大役必待公以定嘗佐勅高陽帝祠時捐資補飾之公事兩大人孝能力承其意所不至先少師有飲量好客公日具鮮腍豐先少師意同先仲父飲或拉客人座先太夫人孝事外王祖母公具鮮腍迎養北堂即兩舅疆惡能屈意以

事先伯兄有子生子矣而竟不嗣公傾橐養之  
歲爲常伯兄亦以爲常後不肯與叔兄相次舉  
於鄉乃稍稍事伯兄初爲諸生則仲兄給兩弟  
兼給伯兄以承兩大人歡叔兄初從師於里再  
從師於邑公一爲都養具邑令公爲叔兄擇配  
公佐先少師爲聘必具家藏先少師手編記不  
肯納采於王夫人則兩兄爲佐具而公多強其  
力所不及不肯每讀手編未嘗不涕覆面也兩  
弟負笈遊諸公間公則爲文社諸友朋費聞其

談相快則益喜出酒食爲談具徹日夜不厭每赴有司試以所乘馬予弟而自乘它雜騎衣在梳兩弟輒披而敝之兩弟入大小試闕輒旦暮隨之爲快予甲辰大京兆遂歸第公隨而縱觀都市中不覺屐之折也歲出貨爲仲季兩妹丈賈而不歸其母錢者數數不問墓旁田漸易它姓公少輒憤曰先人聚骨而今他人呼牛馬其側乎後乃盡復之先太夫人歿家方窘公率兩弟爲第爲兩附具必辦卽先少師沒公仍率兩弟爲



誠信盡其力、不令兩弟獨任其事、仲父無嗣、公  
又率兩弟以其田廬供祀、即予塋仲父、兩兄必  
不肯以弟獨任、而各出貲、以先所復田爲塋田、  
以分其費也、公剛斷持大義、凡意所不可、秋毫  
不以利動、予嘗入對、公輒屬曰、先大人日以廉  
訓弟、勉之爲清華乎、家卽貧、不借弟膏潤也、邑  
子宦者同姓、求合族、公婉謝之曰、卽同鄉、自可  
何必同族、當仲嫂歿、有新寡擁多貲、而願續爲  
室者、公不可、曰、此有不可居而他適也、予敢貪

多貲而以身事婦人。且有貲必驕。以吾愛子事  
驕母。必兩不安。遂絕之。公初多豪舉。後乃折節  
爲長者行。曰。予少單。不昂藏。不爲里兒重。今里  
中盡晚少。而予家且大。不謙謹。不爲里兒頌。且  
不顧兒弟効其少。滿腦肥腸。鮮衣怒馬。爲快也。  
其少所結客。以窮老來歸。公盡如平生歡。客用  
益親。滇南喬令公。以行誼重。公親爲題評。以族  
其楷。嘗之文安王。觀察四槐。王翰簡劬生。謏語  
。應補相見之晚。曰。是大英雄市隱耳。公初賓於

鄉邑令公雅持乞言大典公感而一再蒞賓筵  
時青青子衿盡一門羣從雜諸生間競爲主食歌鹿  
鳴皇華雖如也後輒辭不就而歲兩虛座待公  
仍以席來餽元配段孺人太夫人名之德容父  
爲同巷段太公友性敏慧而孝事先太夫人得  
其歡嘗殫力奉朝夕之養伯嫂氣高而能下之  
佐先太夫人作家以嫁諸妹婚諸弟公所裁彙  
給諸父昆弟嫂能力贊之不恤至待庶嫂王孺  
人慈愛有禮而王孺人又善事孺人不翅孺人

事先太夫人也。今子姓翩翩則王孺人之功爲大。而終始拮据以大孫氏門閥則段孺人稱內德云。孺人撫諸兒諸婦倍極憐愛。以病不育。少養楊氏女爲女。以配其侄。又養馬氏子爲子。予之姓名鉅。教之入類。授田廬如諸兒。予不忍迷其宗。且撓吾宗也。還其姓曰馬。予之名曰元孫。而今尚曰孫鉅。卽予仍視以猶子禮。特別其塋兆。先太夫人特憐愛王孺人。錫名比諸嫂。曰德潤。不肖少而授餐。則王孺人手調之。以拮据父

爲病歿公乃納吳孺人待于婦慈穆亦先公歿  
公以布衣揖讓紳弁間祭憲養大典平生裘馬  
資筵不恡多費而施予捐金以成氣義又不恡  
傾貲卽中外兄弟之貧不能生活輒予貲以農  
以賈以讀以贖其吉凶蓋行德如富而晚所積  
貲爲田廬以授諸子比於中富諸子各以文學  
入鄉校食廩入等諸孫八人半入較有遠器曾  
孫亦已數人其養子鉅亦諸生而有五子得稱  
孫是天所以報公好文之願也每言對人言貧

意欲何爲雅佩先少師明訓其天性合文清大義蓋剛烈不屈之用云公生于嘉靖十七年八月二十九日巳時卒于萬曆四十五年十月二十七日亥時得年八十歲孺人生于嘉靖二十年正月初四日辰時卒于萬曆三十五年八月二十日辰時得年六十七歲側室王孺人以嘉靖三十四年九月十九日生以萬曆三十一年十二月十六日歿總四十九歲繼娶吳孺人以嘉靖四十四年十月十五日生以萬曆四十三

年六月二十八日歿得年五十六歲公獨居者  
三年有丈夫子三養子一伯子鉉邑增生娶張  
氏保安授思敬女繼王氏邑諸生家俊女次鍊  
邑庠生娶戴氏貢上鵬飛女次鍊邑廩生娶韓  
氏藩府引禮應女俱王孺人出孫男八長之瀛  
邑增生娶吳氏諸生經世女鉉出次之澹邑庠  
生娶董氏長史伉孫女繼齊氏龜縣承掾應徵  
女鍊出次之泳邑庠生娶李氏壬子舉人震女  
鍊出次之萍邑庠生娶王氏諸生廷桂女繼建

氏任丘廩生世興女鍊出次之澤娶睢氏安州  
廩生長庚女鉉出次之沚娶嚴氏廩生士良女  
鍊出次之沾聘崔氏文秀女鉉出次之漣聘劉  
氏蠡縣諸生晝奇女鍊出孫女三一適劉三傑  
爲蠡縣庠生出奇之長子鍊出一適安州庠生  
潘瀟爲州庠生應聘之次子鉉出一適安州李  
敏春爲拜奇之季子鍊出曾孫五長榮之泳出  
次楷次柟次之胤出次之萍出曾孫女六  
一適李大學安州庠生達春之長子一適王任



繼邑庠生源瀚之長子俱之淵出漢出者二  
出者二俱細其文蜀人所鞠子鉅今日馬元孫  
邑庠生娶葛氏繼趙氏繼王氏繼高氏子五長  
之濱娶氏次之濱次之沂次之濱次之漢女  
一一適清苑庠生蔡養正一適賈爾珍公

初塋于先少師墓前以偈反遷於中黃仍以當  
兩郎之中未靜也再遷今西野之原風土清嘉  
稍盡子孫之意蓋以崇禎元年 月 日奉

諸嫂合塋而伯子鉉季子鏐洎鉉婦張氏孫婦

董氏王氏祔塋其側至甲戌四月乃得爲公銘  
銘曰英抱而文清豪而仁氣雄而石醇嗣難而  
蘭馨其孝於親其友於隣我里市隱我鄉大賓  
銘我貞石訓我後人

憲副夢巖王公傳

王公諱應霖字德徵號夢巖少沉疑有局度贈  
公器之授讀輒敏劬若夙業弱冠補博士弟子  
試輒高等督學閱其文以國器期之爲易名辛  
酉舉於鄉無何丁贈公艱以養不逮傷焉哀毀  
逾禮庚辰成進士刻有制義同榜無錫顧叔時  
有敘尤爲艷服初令桐城旣悉所疾苦廼砥節  
首公一意爲廉平日挈大綱以條次所興除而  
賦不淄莫訟不淄贖嘗剝積役乾沒金可千餘

主藏吏以管公輒叱去爲建常平倉十倉貯穀  
三百石以爲賑恤之備俗好訟多結黨以機弁  
良民公盡得其主名會有借辭卜者而殲之以  
滅其口并殺其所挈少子投枯河中其妻覓之  
不得訴于公公秘出徙訟姓名跡其與卜者飲  
日卽卜者死日也一訊得狀出屍于河而抵之  
法適有度田之役多以僞增迎上意公爲剔欺  
隱于豪魑以魑單赤時萊龍潭知安慶亟稱公  
能檄他縣悉視公法更檄公勘他縣公旣雅意

興起文學而皖以望邑多才乃力破新格于額  
其所拔識多知名士如何吳諸君子皆以進士  
高第爲名卿會當入覲垂橐而往有富民餽金  
于途中公却之曰小民不奉法爲安而黥長吏  
耶其人感泣而去時尚嚴急吏方務爲刻深應  
功令公獨持漢吏惻幅遂以舊令事註及調觀  
城親父乏科目公首勸學宮課多士品題之文  
風始振士卽有掄魁者更爲均徭裁冗蕪息其  
凋劫復立社倉如桐而益之會歲稔者再道饑

相望卽出所蓄倣鄭富公青州法哺之旁郡邑  
就食如鶩先後全活甚衆會左道借歲爲亂公  
爲嚴禁令散支黨卒殄滅之歷五載奏績得贈  
封如制尋陞戶部陝西司主事士民樹碑頌德  
邑志牘列其詳入視驗糧廳一意絕問遺更禁  
需索諸貨取足國課而止商人便之庚寅轉山  
東司郎中督遼餉遼左正餉七十萬客餉十二  
萬鹽課六萬屯糧六萬餉額旣繁耗蠹叢集度  
支暗或不得清指蠹而究或爲指將領得恣

行其占冒部票半坐空名冒實餉而又數數  
傳警報以邀行糧有足未出塞而稱違征旣出  
卽旋而稱旬月者數習相沿餉司盤支本歲更  
借支來歲之半以爲常公乃議之兩臺與諸將  
約餉須核實空名者罷勿給警須計日虛傳者  
罷勿給公旣躬校簿書以剔諸蠹而又砥節首  
公如向者于桐于觀諸將吏慮無不啗指慄慄  
無敢爲冒卽冒輒持格柅之其給者悉平衡出  
納絕無低昂三節軍士感如挾纊至諸鹽屯官

與商爲市吏與胥爲奸弊實不減于占冒公悉  
爲剗除三年來歲例旣饒而釐剔裁省之贏糧  
報羨幾二十餘萬太司農疏聞蒙恩紀錄上爲  
出帑金賜之甲午丁太恭人艱哀毀如喪贈公  
服除入部尋陞陝西叅議駐西安領五道篆訣  
掌紛拏中決裁無稽案其于藩錄邊餉復如前  
者于遼急以平衡出入毫無虧臧有鑛使肆釐  
公採諸生議嚴爲條禁地方賴以不擾一時吏  
民懷畏卽宗人含無頌之臨潼民習于頑令敗



以訟夫適有新入履任未幾部民聚訟至數十  
百人公既前悉其誣又悉有嗾之者曰體統凌  
夷不可長也乃聚衆庭諭之曰令方新何至嘖  
嘖如若訟若卽訟獨不念部民誣長吏其罪矣  
若耶其連及之左脇從之左語未竟獨渠魁三  
二人冥然右耶一訊伏法刁風爲息無何賞捧  
入賀陞湖廣按察司副使備兵辰沅值播酋猖  
獗惡氛甚張溟黔之路絕以偏橋爲要塞其東  
北則走建康道也踰關白泥卽賊境賊方幣結

九股酋倘偏橋不備賊勢長驅留都可虞且大  
兵進當有腹背之慮公乃募丁壯簡武勇礪器  
械儲糧餉提銳卒三千移駐偏橋賊以其子朝  
棟領兵直犯公檄裨將乘其未陣擊之衆殊死  
戰賊退而復集復擊之又多設疑兵旌旗烽火遙  
紿林嶺間酋于始憚而遁于時督府尚留會城  
援兵未集而以孤軍遇敵銜酋退守海龍無敢  
窺圍外公之力也其後竟播之役以至剿皮林  
凡兵餉戎器實無一不取之沅州皆公所先期

條備既期集入大軍以千都護繼勲守偏橋備  
策應亦皆公所先期部署公與胡公魏公兩兵  
使入自白泥時餉道苦險阨而士乏宿飽也幕  
府檄如雨爾復謀截餉公乃建接運法軍中便  
之大兵至海龍公奏記堵要塞防奔逃逆酋就  
殲公有力焉旣乃有皮林之役初皮林苗亂公  
方駐偏橋拮据播事黃衆將冲霄急于進剿公  
曰播事方始而又及苗非完計俟播平以餘力  
掃除焉矣黃意在邀功陰以兵剿之而敗至厓

幕府抨彈獨于公稱其能料敵而鞭不及腹也黃  
既失利乃懼而納金求免公却之具白兩院兩院  
報云門下潔如水玉渠自彰其僨帥耳姑容待罪  
從戎以責後効所部蕭然憚之播既平乃議剿苗  
江中丞以艱闔門而支中丞不欲爲越俎公奏記  
促之曰逆罪在不赦而經久無進兵之期困獸不  
虞肆搏乎于是始決計進兵不逾月而皮林蕩平  
乃喜功者又議槩剿諸洞公又入見中丞曰叛而  
服之服而舍之誼也罪未形而加之兵何以服遠

竊竊焉是焚石傷天地好生之心亦甚非朝廷意也中丞亟稱善遂止初大將軍置降苗于幕者三百公謂裴晉公納蔡人爲牙兵以蔡人苦威劫而實吾人也今以叛苗置楊側耶會夜譁以降苗爲內應始服其識大中丞稱公料敵禦變綽有胆識云公蒞沅三載兩經大役不獨詰戎理餉衝冒矢石而飭綱振紀緩糾我人不減帷籌因念土司之衆多起于習驕而不折其萌乃乘夷播之威特廉公飭諸司彭宣慰應崑恃兵與貲爲驕易嫡之議

至邀催有力爲請公嚴飭之不聽又念諸洞苗戢  
痒易擾不比土司且大創之後方如歎猶因逼歷  
諸洞詢利害調便宜其逼臨苗洞有八衛十三哨  
哨官不得其人每爲苗患苦而以賄以屬官遂不  
得其人公爲簡胆智有技能者任之適百戶以金  
營納金茶麓中公嚴斥之不復任因諭諸苗無內  
侵哨官無外擾勒其辭于石中丞公亟加其行曰  
功宏遠矣是歲滿四品考會覃恩降勅褒諭贈  
公中憲大夫湖廣按察司副使母暨妻加贈恭人

無何擬叅貴州政候旨以迓新直指有言歸後  
敘征播功業從優敘至蒙白金之賜或曰公論  
賜可以出矣公笑而不答公長身玉立襟度弘  
濶其爲文好深沉之思予猶及讀其制藝也所  
至興文勸學雅負人倫之鑑至識進士可行于  
青毡猶奇家世孝友而公爲篤摯懷贈公風木  
之憾四十年如一日於太恭人傳及色養歲時  
享祀省墓躬申誠敬至老彌殷待晷群從有恩  
禮季應期相摩切成進士當西安之任季以蒲

城令引銚歸遇華陰聯榻信宿友于之情溢于  
關中舊有祖田旣仕卽推以與諸弟之貧者族  
黨婚喪有力不能舉皆于公取給親識中有可  
以爲之地者惟其力之所及不必其人知也里  
人旣相與尊信公或偶違意外應之亦辭和氣  
平時以方輅魏公雅志懸車二十年遊覽經史  
外無他嗜且晚視諸孫伊吾以自娛絕不爲謁  
請至地方利病不諱諄切言之王文肅執政至  
屬其邑令薛公曰是邑有某其人賢者可法文



肅雅不輕許可而薛令特負風裁其語固可信云

祭友人并荃亥文

嗚呼我之自我智或以嬰物之自物細或以情  
孰知夫不我干我我其用寧孰知夫不物干物  
物其用成有友顯陟渠頓予櫻而或嫌之曰不  
趨榮有友要觸渠頓連榮而或避之曰不共險  
公也予友初終不渝顯未嘗嫌險未嘗虞共予  
背矜比予軒冕欣予承明比予里閭當予東居  
渝海相從壇城羈帳笑語從容當予里居中人  
肆虐衆或股慄而公自若此亦尋嘗何之重公

黃金交深公其以風嗚呼衆豈公知公豈衆伍  
剛亦不茹柔亦不吐我于無累物于無迕貞不  
絕俗今以爲古嗚呼予旣寡交天復喪公不爲  
公慟不爲予恫季子孺泣曰銘吾翁廼述公畧  
廼旣予衷嗚呼官不爲仕才不爲夸翩翩子姓  
械骸文華五經紛綸蔚爲大家公所惓惓尚未  
有涯嗚呼嚮銘劬生泣不成州今茲銘公胸春  
如擣况也銘公還悲丘嫂白首同歸予辭用老  
薄言酬之英靈矯矯嗚呼尚饗

祭憲副李培吾文

惟公暉粹離和廉直勁正藥榜名香花城春映  
入攬桓驄出銜憲命簡授霜飛斧橫岳動道擁  
麟鳳力摧猥境無牧師言有聲朝聽州木知名  
兒童識姓載分臬司載陪藩政月映秋潭水清  
秦鏡旣哺懷嬰旣嚆指佞公所類耄著爲絜令  
公所絃更蔚爲累慶函谷雲開岱封日淨方聽  
鳴騶遽聞截鐙嚴灘道高謝敦望重朝屢推轂  
公屢移病歲之不易肥墮其橫三齊告饑九重

爲柄公有藥言以醫丹醢流傭可復瘡痍可定  
謂公熱腸出或乘輿曾幾何時而云不縈予未  
登朝輒聞明評誼托葭莩聲相呼應公以胤子  
借途于懷予有豚兒袂聯同倩吳紆匪親丹雞  
匪證謂可聯蜚而遵合逸公歸大宅藐孤誰凭  
國喪王楨鄉乏主盟予豈哭私盡爲心慙斃神  
珊珊絮難未罄尚饗

高陽文集卷之十七終